

Liburutegien VI. Kongresu nazionalean hartu du parte Ermuko Udal Liburutegiak

Ermuko Udal Liburutegiak parte hartu zuen Burgosen ospatu zen Liburutegien VI. Kongresu nazionalean, Kultura Ministeriotik 'Bertako Bilduma-Colección Local' atalaren nondik norakoak aurkezteko gonbidapena jasoz ostean. Ermuari buruzkoak edota ermuarrek sortutakoak dira Bilduma berezi hori osatzen duten dokumentuak. Euskarri arrunt zein bitxietan, Ermu usaina duten liburu, CD, artikulua, prentsako hemeroteka, argazki, jaietako kartel eta egitarau, gutun, bideo, eskolaumeen lan, postal eta abarrez hornitzen da herriaren artxibategi hori.

Ezustean hartu zituen Madrilgo gonbidapenak eta ilusio handiz prestatu zuten euren ponentzia Liburutegiko arduradunek. Argi zuten Ministeriokoek ermuarrek kontaktuan jarri zirenean egitasmoa bete-betean sartzeko zela Kongresuko 'Bibliotecas y comunidad en la era digital' azpiatalean. Atal horren oinarrian zeuden, besteak beste: herritarren partaidetza, liburutegiaren babesa senitarteko eta bertako historiari zein turismo kulturalari eta baita liburutegia, herritarrek egindako ekarpenak eduki digital bihurtzeko eta tratatara globala emateko prest

dagoen erakundea. Baina Kongresuaren antolatzaileek Ermua eredu bezala aukaritzearen beste arrazoi potoloetako bat izan da, goiko ildoari men egiteaz gain, Euskadiko Irakurketa Publikoen absysNET sarean bere dokumentuak katalogatuta eta erabiltzaileen esku jarri dituen aurreneko liburutegia izatearena. Bilduma osatzen duen dokumentazio bariatu hori katalogatzeko zeuden zailtasunei erreparatuta, Eusko Jaurlaritzako Liburutegietako teknikari baten laguntza eskatu zen, protokolo bat sortzeko eta liburu edo CD bat katalogoan sartzeko den irizpide bertsuekin sartzeko jai egitarau, gutun, postal eta gainontzekoak.

Ermuko lau arduradun bertaratu ziren, han zeuden hizlariengandik ikasteko eta entzuleriarekin bertoko esperientzia konpartitzeko. Hitzaldi teoriko bat, Europa mailako informazio biltetarako ekimen bat eta Ermuko zein Madrilgo liburutegien esperientzia praktikoak entzun ziren Ermuak parte hartutako atalean. Aurtengoa izan da Kongresuak egitarauan nazioarteko 'Europeana' erakundearekin bat egin duen lehen aldia, gai komunen gainean dauden dokumentuen datu-base zentralizatu bat egiteko ahaleginean sortua. Ekimen horretan



maila altuko artxibo eta liburutegiek parte hartzen badute ere, Ermuko arduradunek ez zioten entzungor egin aukera horri.

Hobetze bidean

Ez du Udal Liburutegiak amaitutzat ematen egitasmoa eta hobetze bidean jarraitzen du: uda honetan ere beste astindutxo bat eman diote eta material gehiago eskuratzeko kanpaina berri bat jarri dute martxan. Beste behin azpimarratu dute herritarren esku-hartzearen ezinbestekotasuna eta Bilduma herritarrei esker osatuz

tuz joatearen beraien harrotasuna, bitartekari legez sentituz beti ere.

Liburutegian dagoen kristalezko armairutxoan kuxkuxeatuz edo interneten, www.ermua.es/biblioteca udal webgunean 'Bertako Bilduma' sakatuz, zer motako dokumentu eta bitxikeri gordetzen diren jakingo duzu, haren baten konturatzuz etxean duzun horri ere lekutxo bat egingo diotela bertan. Gauza pertsonalak herritartu eta denon ondare egiten dira norberak horrela erabakitzen duen unetik.

Estibalitz González



URRETA

burdindenda

* Etxea	* Giltzak
* Tresneria	* Zerrailgintza
* Brikolaia	* Kit altzariak
* Rielak	

Zeharkalea 8 Tel: 943 17 65 61 **ERMUA**



FOTOKOPIAK
KOLOREZKO FOTOKOPIAK
HANDIPENAK - TXIKIPENAK
PLANOAK - AZALEZTAPENAK
FAX PUBLIKOA
INPRIMAKETAK KAMISETATAN

Komentukua, 6 behea 48260 ERMUA TEL. / FAX 943 17 42 89